

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ
OPĆINSKA IZBORNA KOMISIJA
Broj: OIK-5/22
Maglaj, 24.01.2022. godine

FEDERACIJA BOSNE I HERCEGOVINE
OPĆINA MAGLAJ
Služba za boračko-invalidsku i socijalnu zaštitu
opću upravu i društvene djelatnosti

PRIMLJENO	24.01.2022.		
Org. jedinica	Klasif. oznaka	Kodni broj	Broj priloga
		665	

OPĆINA MAGLAJ

- SLUŽBA OPĆINSKOG NAČELNIKA I OPĆINSKOG VIJEĆA MAGLAJ

PREDMET:

- Izvještaj o radu Općinske izborne komisije Maglaj za 2021. godinu
- Program rada Općinske izborne komisije Maglaj za 2022. godinu

Poštovani,

Potrebno je da u prilogu navedene Akte proslijedite Općinskom vijeću Općine Maglaj **radi informisanja** Općinskog vijeća o aktivnostima Općinske izborne komisije Maglaj.

Vašu službu ovim aktom upoznajemo sa odredbama Izbornog zakona BiH i Upustva o načinu rada i izvještavanja izborne komisije osnovne izborne jedinice u Bosni i Hercegovini :

1. odredbom člana 2.9 stav (1), tačka 1. Izbornog zakona BiH („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 17/14, 31/16 i 41/20) predviđena je **isključiva nadležnost** Centralne izborne komisije BiH da koordinira, nadgleda i regulira zakonitost rada svih izbornih komisija i biračkih odbora u skladu sa Izbornim zakonom BiH
2. odredbom člana 5. Upustva o načinu rada i izvještavanja izborne komisije osnovne izborne jedinice u Bosni i Hercegovini (broj:05-1-02-2-628-1/16 od 26.05.2016. godine) utvrđeno da je izborna komisija **obavezna do 31.01 tekuće godine dostaviti Centralnoj izbornoj komisiji BiH izvještaj o radu za prethodnu godinu.**

OPĆINA MAGLAJ
IZBORNA KOMISIJA

PRILOG:

- Izvještaj o radu Općinske izborne komisije Maglaj za 2021. godinu
- Program rada Općinske izborne komisije Maglaj za 2022. godinu

PREDSJEDNIK OIK MAGLAJ
Armin Bašić, mag.iur.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ
OPĆINSKA IZBORNA KOMISIJA

Broj: OIK-3/22

Maglaj, 24.01.2022. godine

PREDMET: IZVJEŠTAJ O RADU OPĆINSKE IZBORNE KOMISIJE MAGLAJ ZA 2021. GODINU

Općinska izborna komisija Maglaj (u daljem tekstu: OIK Maglaj) u sastavu Josip Maglica (član), Mario Ninković (član) i Armin Bašić (predsjednik) zakonom propisane dužnosti u navedenom sastavu obavlja od mjeseca jula 2021. godine.

U toku 2021. godine OIK je održao više formalnih i neformalnih sastanaka, a na kojima se raspravljalo o poslovima i zadacima iz nadležnosti komisije. Sve odluke, rješenja i drugi akti su doneseni jednoglasno.

Odredbom člana 2.13 Izbornog zakona BiH („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 17/14, 31/16 i 41/20), Općinska izborna komisija:

1. nadgleda i kontroliše rad Centra za birački spisak
2. određuje biračka mjesta na području općine za glasanje na svim nivoima vlasti u Bosni i Hercegovini
3. provodi postupak imenovanja, imenuje i obučava članove biračkog odbora,
4. brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini,
5. obavještava birače o svim informacijama neophodnim za provedbu izbora, u skladu sa propisima Centralne izborne komisije BiH,
6. odgovorna je za uređenje biračkog mjesta i druge tehničke pripreme za izbore,

7. odgovorna je za pravilno brojanje glasačkih listića na biračkim mjestima i u općinskim centrima za brojanje;
8. objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izbornoj komisiji BiH i
9. obavlja druge poslove u skladu sa zakonom i propisima Centralne izborne komisije BiH.

S obzirom na zakonom propisane nadležnosti izbornih komisija osnovnih izbornih jedinica u BiH, može se zaključiti da su osnovne aktivnosti ovog organa pretežno vezane za izbornu godinu i sam izborni proces. Iako 2021. godina nije bila redovna izborna godina, određene zakonom propisane aktivnosti su, kao i aktivnosti koje su predviđene Programom rada OIK za 2021. godinu provedene u navedenoj godini.

U prvom kvartalu 2021. godine OIK Maglaj je poduzeo aktivnosti na isplataima naknada za članove biračkih odbora, te naknada za zakup poslovnih prostora koji su korišteni na dan izbora. Istovremeno, OIK Maglaj je izvršila isplatu za osobe koje su bile angažovane kao pomoć članovima OIK Maglaj u toku izbornog perioda.

Odredbom člana 2.9 stav (1), tačka 1. Izbornog zakona BiH („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 17/14, 31/16 i 41/20) predviđena je isključiva nadležnost Centralne izborne komisije BiH da koordinira, nadgleda i regulira zakonitost rada svih izbornih komisija i biračkih odbora u skladu sa Izbornim zakonom BiH. Odredbom člana 5. Upustva o načinu rada i izvještavanja izborne komisije osnovne izborne jedinice u Bosni i Hercegovini (broj:05-1-02-2-628-1/16 od 26.05.2016. godine) utvrđeno je da je izborna komisija obavezna do 31.01 tekuće godine dostaviti Centralnoj izbornoj komisiji BiH izvještaj o radu za prethodnu godinu. U skladu sa navedenim OIK Maglaj je pripremio i dostavio traženi izvještaj CIK BiH.

Nezavisno od navedenog izvještaja OIK Maglaj je dostavljao redovne tromjesečne izvještaje Centralnoj izbornoj komisiji BiH.

U mjesecu septembru 2021. godine od strane Centralne izborne komisije BiH dostavljeni su određeni akti, kojim se od izbornih komisija osnovnih izbornih jedinica u BiH traži planiranje sredstava za provođenje Općih izbora 2022. godine u BiH, odnosno donošenje finansijskog

plana, koji su iste dužne uputiti Općinskom vijeću da se potrebna novčana sredstva obezbijede u općinskom budžetu za 2022. godinu, tako da je od OIK-a početkom mjeseca septembra po specifikaciji Centralne izborne komisije BiH sačinjen i obrazložen Finansijski plan OIK-a za 2022. godinu, te je isti u prilogu obrazloženog budžetskog zahtjeva i dostavljen nadležnoj službi.

U cilju transparentnosti trošenja novčanih sredstava, OIK Maglaj je podnosio obrazložene pismene zahtjeve za svaki pojedinačni transfer Općinskom načelniku i nadležnoj općinskoj službi, te je nakon izvršenih isplata dostavljao nadležnoj službi Akt sa dokazima kojima je pravdan utrošak dobijenih sredstava.

Dalje, odredbama Izbornog zakona BiH, ali i Programom rada OIK-a za 2021. godinu predviđena je obuka i dodatno usavršavanje članova OIK-a.

U vezi sa navedenim OIK Maglaj je uzeo učešće na konferenciji koju je organizovala Centralna izborna komisija uz finansijsku podršku Misije OSCE-a u BiH i Vijeća Evrope BiH pod nazivom "Lokalni izbori 2020. – izazovi i naučene lekcije", koja je održana od 07-08. decembra 2021. godine u Sarajevu (OIK MAGLAJ je učestovao putem platforme Zoom).

OIK je u proteklom periodu u saradnji sa Centrom za birački spisak provodio aktivnosti na ažuriranju biračkog spisa i brisanju umrlih lica iz istog.

OIK Maglaj ima za obavezu da istakne i stavi na znanje da se članovima OIK Maglaj isplaćuje manji iznos naknade u odnosu na iznos predviđen Odlukom CIK BiH, te je u skladu sa tim od strane dva člana OIK Maglaj pokrenut sudski postupak protiv Općine Maglaj radi isplate razlike u naknadama koje su isplaćene u odnosu na iznos koji je trebao biti isplaćen.

Općinski sud Zavidovići, odjeljenje Maglaj je dana 08.09.2021. godine donijelo Presudu broj: 42 1 P 017363 21 P kojom je utvrđeno da je Općina Maglaj dužna isplatiti tužitelju (član OIK Maglaj) iznos od 9.240,00 KM. Na navedeni iznos će se obračunati i zakonska zatezna kamata. Navedena Presuda je potvrđena i Presudom Kantonalnog suda Zenica broj: 42 1 P 017363 21 GŽ od 28.10.2021. godine.

Potrebno je istaknuti da Općina Maglaj nema zakonsku mogućnost za donošenje Odluke Općinskog vijeća kojima će na sebi odgovarajući način regulisati iznos novčane naknade za članove OIK Maglaj, što je i potvrđeno gore navedenim Presudama nadležnih sudova.

U skladu sa navedenim napominjemo članove Općinskog vijeća da se na ovaj način proizvode nepotrebni troškovi za Općinu Maglaj, te da će OIK Maglaj i dalje poduzimati aktivnosti radi zaštite svojih interesa i ostvarivanja prava na naknadu koja pripada članovima OIK Maglaj.

Na kraju izvještaja OIK Maglaj ističe da je većina aktivnosti provedena sa ciljem završavanja i analize aktivnosti iz izborne 2020. godine, te provedba aktivnosti usmjerenih na bolju pripremu za izbornu 2022. godinu.

Ovaj izvještaj dostavljamo **radi informisanja** Općinskog Vijeća Općine Maglaj, jer je odredbom člana 2.9 stav (1), tačka 1. Izbornog zakona BiH („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 17/14, 31/16 i 41/20) predviđena **isključiva nadležnost** Centralne izborne komisije BiH da koordinira, nadgleda i regulira zakonitost rada svih izbornih komisija i biračkih odbora u skladu sa Izbornim zakonom BiH, te je odredbom člana 5. Upustva o načinu rada i izvještavanja izborne komisije osnovne izborne jedinice u Bosni i Hercegovini (broj:05-1-02-2-628-1/16 od 26.05.2016. godine) utvrđeno da je izborna komisija **obavezna do 31.01 tekuće godine dostaviti Centralnoj izbornoj komisiji BiH izvještaj o radu za prethodnu godinu.**

DOSTAVLJENO:

1. Općinsko vijeće
2. Arhiva

PREDSJEDNIK OIK MAGLAJ

